

四庫全書

集部

欽定四庫全書

皇甫司勳集卷二十四

明 皇甫訪 撰

五言排律

與學仙者談玄因諷以詩

秦王訪方士漢武學神仙
安車來海上蜚觀架雲邊
寶鼎藏靈藥金箱出異編
日曾陪寢殿時或幸甘泉
高掌朝承露祥光夜亘天
從官數遺獻中使每傳宣
巨跡逢

難就輕舟去不還徒然聞望氣詎可得延年

閒居簡子安兄

自我謝繁郡同君旋敝廬草芳知歲改花落見春餘江
漢遊來倦雲山病未除門違長者轍驛枉故人書旅跡
從漂梗微材類散樗還邛未有賦徒媿卧相如

簡吳子二首

余昔與吳子純叔獻策遊燕同作登臺之俊分
符仕趙俱為失路之人坐論詩書出驂輿馬心

乎愛矣情豈忘馬迺星流歲月雨散山川長卿
還邛以何言賈誼浮湘而再召悵然懷往率爾
成篇尚期子以嗣音庶起予之寄慨

少年干聖主同日忝嘉招走馬平津道看花御水橋屢
移華省步頻散紫宸朝詎識山川險何嗟歲月遙臨淮
因桂住入楚似蓬飄帝鄉倘可夢天路許相邀

憶昔邯鄲郡同君作吏情花疑在潘縣月似對宣城郭
負恒山遠門流溢水清風塵一以謝年跡兩相驚烏向

雲中舉琴從天外鳴惟餘趙兒女歌裏報瑤聲

九日吳山登眺作

昔數登高節今當故國臺遊龍孟生去戲馬宋公來
信美吳山曲標奇茂苑隈揚帆泛清淺張組歷崔嵬
潭影涵空潔巖霏雜翠迴凌飈知氣肅踐露覺年催
旅跡鴻初至蓬心菊始開誰能對舞袖猶自惜行杯

訪朱子謙諫議不遇

舊日雲霄侶他鄉歲月深轉蓬驚去住鍛羽悵飛沉不

觀春風面空餘流水心言乘木蘭舫來就玉山岑避客
高懸榻逢人媿盍簪徒令歸興盡一謝掃芳林

過何山懷梁二何高士同諸兄弟作

招隱推名嶽棲靈儼故丘人奄隨露盡居尚有雲浮月
寂臺難旦松深寺易秋入林懷二鳳遵渚媿雙鷗嵇夜
杯應化徐君劍若留還疑采薇路魍魎一來遊

濟上代東寄李伯華十四韻

當時翟公客爭似李膺門博涉稱該覽高談析衆論奕

從王粲覆碑就禰衡溫文藻平原在人倫有道存見知
因筆札交契託琴尊宵館頻分榻春城每駐軒相期薄
膠漆何止儷璵璠歲月嗟留滯風塵阻奮翻孔融歸魯
國賈誼起湘源旅跡徒飄梗憂心欲樹萱山川邈良晤
雲雨斷離魂鴻鴈三秋盡蕙葭一水繁驅馳疲道路蕭
散慕田園祇恐幽芳歇思君未敢言

南征道中書情二十韻

伊昔干明主相期附俊臣會逢興禮樂詔許奏天人要

路方晞足靈臺果致身官嫌楚尹仕業守魯儒貧詎意
違時好從茲被世屯懷芳嗟靡託投璧忌無因葉縣鳧
將晚河陽樹易春省中疲執戟都下欲埋輪章甫空遊
越貂裘已敝秦醒狂丞相笑長揖列侯嗔受辱先關木
圖功後徒薪恩私蒙日月旅竄困風塵賈誼才猶遠虞
翻枉未伸太行非險道漢水是迷津寵失朱顏盡交移
白首新沈冥頌酒德詆調論錢神倦鳥惟垂翼枯魚或
縱鱗自能存北叟何必讓西賓秋氣看蕭瑟征途事苦

辛平生寸衷在末俗向誰陳

玄武湖供事三首

澄湖一濬後千古見流長映帶羣峯秀沿洄十里蒼蓬瀛信有地雲水自為鄉魚鱗傳中使星槎倚夕郎幕間存往蹟鏡裏駐年芳延眺非闕戀茲遊詎可常

周王宏策府漢祖重民圖開館收秦日為樓託晉湖輜軒萬國至負版四方趨戶口今全盛山川代不殊地鄰東觀密水遶北門紆何幸披玄覽從茲仰聖謨

別島藏丹構中州匯錦陂臺猶習武處苑即樂遊時光
祿陳詩罷鄼侯舊典垂仙源看似練睿膀奉如絲覆檻
多山靄交牕悉樹枝懸知皇業遠應共水無涯

送王兵曹使楚

一尊吳苑酒千里楚雲鄉漢使新乘傳周官舊職方遙
天廬嶽隱春水洞湖長嶺外聞猿泣衡中見鴈翔荒祠
猶傍竹廢宅幾垂楊弔古情難極探奇興不忘停舟驚
草綠解佩贈蘭芳祇為耽辭賦知君滯郢陽

代東因令弟參軍寄訊楊太史

何事投荒久猶聞賜召遲
伏波窮瘁癘定遠老戎麾
卉服居將染瓜期歲屢移
鄉心魑魅誚客淚杜鵑知
跡學龍蛇隱恩懷犬馬私
清明望京洛晦日眺昆池
賦擬還邛後書成去趙時
因聲傳棣萼結想眷瓊枝
錦里家連郭蒼山路斷岐
無由行載酒一問子雲奇

諸比部大父出亡不知所終詩以哀之

何處求梅福將誰畫蔡邕
遼陽迷返鶴函谷逝猶龍
市

上人應識花間客，詎逢死生同。委蛻汗漫異，行蹤歌些
招難及。興悲涕易從，惟餘述祖德。懷筆夢形容。

被彈

樂子初遭謗，雲卿始被彈。諒無曾母察，寧免鄭人看。積
口銷金易，傷心辯玉難。傾危迷後誠，倚伏昧前端。自不
干丞相，何曾拜美官。傳經翻取累，辭邑豈懷安。騎省淹
三徙，鵠原慨獨歎。感時空歲月，行路屢波瀾。是木聊容
散，非水亦可寒。跼躬憐地厚，矯首望天寬。域內窮悲阮。

河陽拙謝潘從茲避機事永託冥飛翰

春日從叔招遊上方

共倦風塵役俱懷山水遊郊容爭媚日湖景獨澄秋
細草橫塘路輕帆茂苑舟松深遙辨寺花密屢經丘
禪定聞春鳥機忘見暝鷗省腰知病起延步惜芳留
信有林中逸何須物外求多慚小阮醉猶得預清流

贈曾地師

早年精地術終歲客江門辨壤因知脉窮河遂識源珠

丘虞塚秘金盃漢陵存訪古遊曾遍通幽業自尊邦君
迎射覆弟子竊書翻豈是亡牛者空思墜馬言

題古沙贈汪氏

自得滄洲趣應知投隱心鷗羣朝復暮鴻跡古還今聚
散因風易盈虛損日深仙源隔水見迷路倚花尋觀化
同河上忘機類漢陰從來謝塵垢惟是託淵沈

過朱義民里

衛茲懷國計卜式上邊輸表里施丹戟題門賜寵符淳

風未凋謝華屋漸榛蕪就食無羣犬巢林有一鳥徒令
下馬客感事問田夫

孫生芹談數學

童時聞學易到處有賢名北海聊相訪中郎定早迎人
稱盲子夏自笑隱君平玄理知犧性占書著烏情囊應
百錢足座可一言傾戰勝能齊物何煩問此生

登泰山

虞后巡宗日秦王幸岳年金輿曾此駐玉檢竟無傳眺

日臨滄海憑虛挹紫煙
官松垂御幄女井幻香泉
晴晝寒飛雪陰崖下引天神
君迷七二塵界渺三千巨跡臺
中見空音時外宣馬遷文已就
願奏聖明前

月潭寺

瘴嶺鬱風煙迢遙路八千
羅施稱鬼國兜率見人天
幽洞穿雲際危樓架水邊
澄鮮因悟寂照朗自通圓
有客嗟行役逢僧叩業緣
皈心無別旨委順即安禪

贈周如斗侍御

聖世宜無外夷方乍有征臺端簡良史江左寄巡行每
念臨軒顧彌興攬轡情封章成妙算優詔許監兵課罪
風霆迅酬功日月明田租蒙半賜閭井若更生取笠猶
殉法鳴絃悉勵精留君同寇借生子擬周名隼擊魚龍
避驄遊士女迎帝將虛右席誰復倚長城膽落因彈劾
幾先絕請盟為鑄秦望石一頌海波平

聞劉子威還自洛陽奉簡

別記殷秋日歸當聿暮時枚生遊似倦陶令去嫌遲試

問山川勝聊陳風土宜銅臺經故寢金谷展荒祠潘縣
猶花發梁園但黍離鬢先凋作素衣盡化為緇余抱傷
弓恨君遭按劔疑因聲附張邴久官欲何為

寄嚴相公

為問東山傳閒情近若何漢京紅日遠台嶺白雲多高
枕臨泉石懸車在澗阿歲遺中使出日給縣官過朝請
辭雞唱賓從斷雀羅散金無隱賜取酒似酬歌却老身
逾健調元體自和平津門下望章水隔煙波

題錢氏懸罄室

長卿嘗壁立仲蔚亦蓬居今日錢郎舍清風每晏如貧
同懸罄後隱似挂瓢餘誤點屏間筆閒翻案上書客喧
門結駟婦歎釜生魚但謝千鍾餽何須儋石儲

贈胡開府五十

早見成功日仍開介壽年平津將拜閣充國尚留邊海
外傳聲教朝中佇凱旋遽齡躋半百田客擁三千有美
堪垂後無非可悟前樂懸金石賜侍從綺羅妍令月逢

青女佳期會列仙
萸房重薦酒桃核並登筵
戲馬餘風嗣椎牛宴享偏
吳山頌維嶽越水詠如川
鴻烈誰能紀微才懼莫宣
清宵望南極應喜麗台躔

徐母秦夫人五十

笄字賢聲渥襦歸禮數崇
鳴雞戒寢似卜鳳兆占同瑟
徹夫君日機存母氏風承歡
百歲半抱恨一生中書斷
因山宰香銷為令公
惟餘蘭早秀長得倚萱叢

七言排律

附

寄題似樓贈房考李時言

建溪百折徑千重上有精廬敞碧峰盡訝樓臺開翡翠

多言閣道倚芙蓉

名城

平臨島嶼偏宜月俯瞰煙霏半在

松仙客好居時獨往大夫能賦幾相從靜中名理虛為
指物外行藏幻是蹤舊日李膺門下士閩雲南望憶登
龍

皇甫司勳集卷二十四

欽定四庫全書

皇甫司勳集卷二十五

明 皇甫汈 撰

七言律詩

曉出左掖贈吳純叔同年

珮聲初散紫宸朝
仙侶同攜數並鑣
綢繆鳳凰迴日馭
翩翾鳩鵲隔雲霄
詩成賈至香猶在
文似相如渴未消
君署玉堂非忝竊
余從蘭省慰招邀

簡周給事祚

東臺雲晝鬱微茫獨立臨風寄夕郎青瑣每移天上拜
黃門真接日邊光漫將令色思瓊樹會有新詩貯錦囊
漢室名儒今侍從好陳清論荅君王

七夕飲張子言偶偕田希古

山館淒清城日闌花開荏苒引盃盤俄傳令節驚秋候
漫喜新逢得地官烏鵲故飛霄漢迴星辰不動露華寒
七襄僅有橋邊度一笑應知人世難

送吳二純叔便道省覲

玉堂仙客錦衣回，畫舫輕帆莫漫催。
入里便趨嘉慶拜，隔江須惠好音來。
落梅恨早聞吹笛，叢菊愁偏照別杯。
自古越鄉形勝地，赤城霞起即天台。

穀日候旨左順門值雪

長安穀日仍逢雪，撲殿翻階竟日看。
豈謂農祥先獻瑞，亦知郊祀近回鑾。
爐煙細裊麒麟氣，扇影輕開孔雀寒。
天上封章今更下，陽和早已被江干。

陳憲使察入賀萬壽節還浙中

使君來獻天王壽親捧龍章拜袞旒建節漫誇唐氣象
鳴驄曾識漢風流謝安屐為蒼生起賈誼書應太史收
北極朝廷終右命西湖山水莫長遊

寄田希古江州

清秋閉戶悲離索京兆田郎望爾賒憶昨獨趨江右命
只今誰對省中花雨餘滕閣朝尋碣月落潯陽夜泛槎
歲序驚心渾蟋蟀煙波回首又蘼葭

九日酌鄭子館欲遊水頭不果

水上何言九日臺城西草堂今好開
霜前醉倩茱萸把
雲外愁連鴻鴈來
宋館淒涼無客賦
楚江遲暮有人哀
不堪殊土飛蓬鬢
那遣流光到菊盃

謁悼陵作

庚寅冬
十月作

萬山迴合引仙源
紫翠深沉鎖殿門
鸞掖昔憐人寂寞
蜃輿今閉日黃昏
豆籩更肅霜前禮
環珮難招月下魂
涕淚何須怨金屋
歲時不斷是君恩

立冬日早朝值雪

搏風攬霧冬仍見，急霰翻翼曉未分。
銀燭實增光照耀，玉壺猶鬱氣氤氲。
漫揮鳳藻酬黃竹，已辨龍裘想翠雲。
安得向來詞賦客，揮毫常侍聖明君。

送李伯華使寧夏

年來念爾勞王事，塞役衝寒兩度違。
雨露喜迎新使節，風塵愁見舊征衣。
春先幽谷花應發，臘盡函關鴈不飛。
到日從容登華嶽，憑高一覽漢京畿。

庚寅至日飲鄭有度

去年迎日開閭闔今歲明禋出建章
留滯難陪天上從氤氲真想殿中香
吹葭律琯朝浮氣燔燎瑤壇晝閃光
萬乘郊回雲物異子真谷口有和陽

送程惟光之越

黃河水開春水生河上春風送遠行
薊北雲山堪墮淚越南煙樹亦含情
牙樯自起中流驚粉署空啼二月鶯
到日西湖好吟眺由來水部有詩名

過大興隆寺訪鄭子元

蕭寺尋君春獨過移藩新拜楚江沱
千年閣眺題鸚鵡五月湘行佩芰荷
有詔豈嫌宣室晚著書曾比茂陵多
金雲寶露談玄地他日相思當奈何

同鄭子慈仁寺雨中登閣

寶閣蓮扶出上方雨臺煙徑晚蒼蒼
雲霄步識爭梯健海嶽懷披倚檻涼
妝鏡鳳樓傷異代戲湖龍舸憶先皇
迴簷忽射千門霽淨對西山醉不妨

雨朝周學錄示宮詞六章戲答

臨風吟望憶周郎對雨題詩傍苑牆
麗藻異時誇樂府綺羅何事怨昭陽
愁來班女應能賦老去明妃祇自傷
金谷寂寥人可在彩毫拈弄意偏長

過興濟寺作

璇宮玉宇先皇賜福地名都淑女鄉
一自經營傳內使至今供奉禮空王
論恩實冠昭陽裏問水虛疑媯汭傍
載過倚舟迴落日暝煙行望拍蒼蒼

定州過開元寺登塔壁間有武宗宸翰

貝殿花飛二月春攀遊那負衆生身翠華象輅來先帝
丹壁龍文護有神塔倚雲霄非世界蓮開燈火自星辰
不辭酩酊歸清夜直擬扶搖向紫宸

暮春雨後病遣

庭閒坐對日仍斜邑小猶堪早放衙已過一春纔見燕
乍來微雨亦驚花桑麻自擬勞民事桃李何緣競物華
正是茂陵多病骨好從勾漏覓丹砂

送李子植卿自杞縣遷和順

可憐潘岳仍懷縣猶憶河陽桃李時
年少有才今共忌風流為政去多思
太行日暮鳬堪遠上黨雲迴鴈獨遲
人世別筵那邊促天涯後會渺難期

過龍興寺登大悲閣

寶閣何年起法門金身十丈佛為尊
雲移祇樹看俱渺天近曇花落更繁
檻外青蓮開北嶽窓前赤日淨中原
憑高忽望長安路即擬雙鳬此奮翻

人日偕馬李二僚孟吳兩文學并張子過朱氏登

樓

王家種竹開三逕人日留賓擬七賢
潘縣桃花晴弄日漳河柳色淨含煙
青春好趁登樓閣深夜猶聞度管絃
自笑微官淹墨綬幾時嘉會召金錢

辭邑晚發

斜日揚帆衛水濱長風吹浪下天津
心懸鳬舄辭花縣夢入鱸魚憶釣綸
江畔白鷗晴對客野田黃雀暖依人

疎狂自笑三年尹，漂泊猶為萬里身。

夏日登廣平城樓贈寇體乾

城東樓閣排雲建，極北河山抱日浮。
身上百層懷更放，眼當三輔望還收。
媿無辭賦留王勃，幸有絃歌駐子游。
為問長安何處是，莫因殊土憶并州。

彭城逢王中舍捧毅皇后哀詔之南邦乍聚遂別
千里輶車天上來，百年鸞馭夢中迴。
漫於萍水聯舟楫，更歷蘭心向酒盃。
春漲已平揚子渡，夏雲先引秣陵臺。

相逢異地情難別為賦長門思可哀

懷歸

故園獻壽親能健
春夜開筵興不違
兩地離懷人惜別
暫時歡賞客忘歸
醉聽錦瑟歌猶度
仰視銀河落漸微
今夕月明江上路
煙波回首淚沾衣

西苑二首

瑤宮翠殿標雲外
珠棟雕欄照水邊
花萼御樓唐詎數
露盤仙掌漢空傳
啼殘禦宿無凡鳥
長出昆明盡異蓮

共道靈臺成不日寧知睿想自經年

萬花遙引綠雲衢一水迴沿紫禁隅月向妝樓懸作鏡
星分太液瀉成珠天門韶濩聞難識海嶽蓬萊望不殊
見說君王頻幸此夜來遊賞倍歡娛

中秋篇

是日先雨後霽孤坐對月感時託興漫爾成篇
朝來細雨落繽紛向晚清光散彩雲自是廣寒貪皎潔
不隨巫峽傍氤氲高樓張宴停杯待別館吹簫度曲聞

玉筍深閨啼少婦關山終夜望夫君

送王少儀給事罷官還楚

憐君得罪出梧垣最是難招楚客魂
匹馬鄉關從此別一尊岐路復何言
未須操樂聆鍾子便可為文弔屈原
木落洞庭堪涕淚月明湘浦況聞猿

侍朝頌厯和呂兵曹

君王厯數與天長正朔還宜奉萬方
馮相悉傳宣夜法司分親掌授時章
年華預識乘春轉火德從占應運昌

自是玉衡懸象緯賜來金殿倍恩光

冊嬪恭賀

玉冊金函降御墀彩幢華扇引昭儀賜著翟褕香未散
教乘龍輦寵新移蘭宮夢月瑤光貫桂殿占星紫氣披
正是君王延茂祉會應仙媛助昌期

大祀南郊

天子迎陽禮上玄翠華深駐紫壇前忻逢掃地觀周典
絕勝橫汾幸漢年帳殿旌旗寒映月松門燔燎夜升煙

未奉神休陪扈從羞將辭賦奏甘泉

五日立春庭讌

青旂應律轉韶年綵幄迎祥慶賜筵五莢賞敷堯砌日
千條柳拂漢宮煙玊盤行菜春光泄寶鼎調蘭淑氣傳
獻節已占陽令改銜恩偏在物華先

觀燈篇

華燈芳沚競時新絢鳳蟠螭莫辨真漢室明珠元不夜
秦宮青玉更宜春三殿瑤光承素月六街花氣藹香塵

懽娛何處非銜照願借文園映字人

春日宴夏宗伯第得嘗御賜長春酒兼聞忠禮書

院之勝

學士留懽宴玉堂書生何幸奉餘光
華燈不夜猶元夕御酒長春出尚方
東觀雪殘融作瑞南宮雲起結為祥
更聞賜第銜天藻豈數平泉李相莊

馬豎有談武宗時事者感而賦詩

傳聞遺事詎堪悲今日長秋異昔時
產出神駒官盡牧

獻來天馬帝親騎千金購賞原非惜萬里長驅為不辭
一自攀龍留劍舄何由陪駿向瑤池

駕謁七陵

按謁陵之禮昉於漢明帝朝于原陵如朝會儀云
法駕琕輿出禁中仙原黼帳結行宮金支羽衛橋山駐
玉琕靈筵隧道通漢主此時親上食小臣何處泣遺弓
更聞雲起悲歌就不是汾遊睿藻雄

駕幸西山

先帝瑤宮起翠微
今皇玉輦歷朱扉
諸天香靄紛仙仗
百道祥雲繞御衣
花影數移幢扇過
簫聲遙雜珮環歸
靈池望幸魚龍躍
福地銜恩草樹輝

春日聞怡山丈人治園因贈

為園更喜逢春早
開逕還宜引興深
南國小山聊地隱
習池新水足淵沉
栽花種柳年年事
語燕鳴鳩處處音
自笑玉顏真忝竊
無緣金谷日相尋

揚州

朝來投壁渡淮河日暮江門感慨多
流水詎隨羅綺盡春風無復翠華過
粧樓明月難留舞楊柳長隄解贈歌
見說小山叢桂早相招茲地隱如何

答陳魯南太史入牛首山作

歸來學士隱城西曠覽人間萬物齊
玉笈早探玄訣秘銀魚已遂碧山棲
同僧蓮社經春入與客花巖竟日躋
卧病檢方無上藥倘逢石髓幸相攜

簡蔡孔目羽

高帝投戈宅玉京茲邦定鼎創金城鍾山總是黃圖勝
江水流為玄灞聲隧道松杉原廟在禁宮花草曲池平
欲向西賓訪遺事共言平子賦方成

諸同年邀遊徐氏東園

王家別業帝城隈髣髴離宮天上開仙榜曾看中賜出
名花多自遠移來千山鑿石峭函似百道疏泉太液迴
勝槩不殊金谷裏茲遊欲賦謝潘才

顧公子邀遊清涼寺

陳後主
避暑處

清涼靜域遠煩囂
浙瀝天花散雨飄
笙磬雲間聞演梵
帆檣江畔見乘潮
瑤宮貝殿開三界
翠輦金輿駐六朝
更道上方堪避暑
一尊河朔正相招

宿茅山道院

逶迤仙徑禮神君
縹緲三峯鎖白雲
丹洞桃花春正發
星壇瑤草歲常芬
山間鍊藥人難識
天上吹笙世詎聞
獨宿便思成道去
夜深鸞鶴幸來羣

發松至京口作

嘉樹言從南國移君王方有灞陵思根靈合遣烟霞鎖
蓋偃何妨雨露滋聖壽長如千歲實橋山虛扈萬年枝
此日使臣遙拜命多慙草木被恩私

立夏日至虎丘

郭外青山數里遙扁舟探賞過溪橋珠林樹色含雲綴
香磴泉聲雜雨飄烏狎春光啼處盡僧逢塵想坐來銷
共言招隱堪開社也學翻經懶入朝

首夏偕張李二少府遊赤壁分得坡字

人留勝地臨江上客有高軒得並過雲起楚臺聯石壁
水從湘浦接烟波漫因明月傷千里更遣回風入九歌
自媿清時承遠譴可無辭賦擬東坡

憩四祖寺閱藏經

清涼蕭寺倚城西避暑因來上界棲為乞經文開寶藏
遂探諦語照金篋晨披貝葉生巖石夜誦曇花落水泥
自是遠公容小謝忘言終日對招提

秋日奉謁太宰顧華玉

司空無事晚開衙
叢柏霜寒半宿鴉
地向河間存禮樂
山從原廟見煙霞
閒披圖史常堆案
別起樓臺即寄家
流落陸雲方自笑
也容門外候張華

郡齋秋思

郡齋忽漫秋風入
芳樹先凋一葉梧
雲際早看衡鴈起
月明愁聽峽猿呼
絳侯不肯容才子
漁父無勞問大夫
一自銜恩違省闥
何辭飄泊在江湖

皇甫司勳集卷二十五

欽定四庫全書

皇甫司勳集卷二十六

明 皇甫汈 撰

七言律詩

九日懷楚中舊僚

去年九日登高處野寺深山歷楚臺
黃菊正堪攜酒過青蓮却為散花開
閣中雲氣千峯入檻外江流萬里迴
欲問同遊今健否衡陽不見雁飛來

寄憶任黃州

漢室任延最有名，楚邦為政盡稱平。
相逢已覺新知樂，一顧翻將遠竄輕。
雲淨滄江春與汎，月明赤壁夜同行。
歸來故國愁無限，總是閒居賦不成。

故園對子安兄相與談及竄逐事悵然作詩

得罪同君承帝恩，為邦兩地各飛翻。
楚山正列牕中岫，衡水常流郭外門。
靜對棠陰思棣樹，遙憑雁序望鵷原。
今日相逢倍相憶，此生堪歎不堪言。

春日感懷因東子安

平居每憶在長安却羨雲霄接羽翰
騎馬每從雙鳳出逢人憑作二龍看
春遊西禁纔舒柳夜直東曹併是蘭
轉盼不堪成往事誤身翻自笑儒冠

雪日感舊因東長兄季弟

同君對雪題詩處直是陽春屬和稀
滿泛金尊揮麗藻頻燒銀燭送清輝
年來勝事應難再歲首瑤花不耐飛
為說袁安愁病在只堪高卧掩柴扉

午日獻子安兄

午日遙憐獻壽儀，省郎同記拜恩時。
九華承出雙紈扇，五色頒來雜綵絲。
見說賜筵臨浴殿，更傳競渡從昆池。
不堪身事如蓬轉，強飲花前酒一卮。

閒居東吳二純叔王二祿之

北山歸卧各風煙，西望長安思惘然。
直散聞鶯蘭省畔，朝回飲馬玉河邊。
府中盡道逢時少，闕下爭看被服妍。
為憶同遊雙鳳侶，銜恩記否十年前。

送王維禎量移台州

使君仙棹且徐開
岐路離筵未忍回
乘月遙從石梁度
看霞幾過海門來
名山郡中共識宣城藻闕下誰憐賈傅
才吳越相望一水隔
思心日夜向天台

晚興答子安

謝秩家園今幾時
病身丘壑轉相宜
坐憐落日閉門靜
起看閒雲出岫遲
誰寄靈魚思遠道
自同烏鵲在南枝
揚雄寂寞何如此
白首談經世豈知

琴友張子扶病還雲間久不相聞寄憶

歲晚蕭條最憶君
琴心一片向誰云
啼鳥半落亭前月
征雁遙迷泖上雲
白首先驚垂老別
青山恐作斷腸分
廣陵仙曲從來秘
莫遣人間遂不聞

辛丑至日

再從故國逢長至
始信幽居得自閒
旅跡祇驚江漢外
愁心翻寄酒杯間
雲依北郭浮難定
歲入東流去不還
莫向夜深懷往事
却隨清夢到朝班

至後酬子安兄感遇見貽之作

朝來江郭已回陽
春近湖山興自長
寒日閉門聊謝客
晚年執戟笑為郎
冥冥鴻雁棲雲徑
寂寂魚龍卧水鄉
聞道平原賦招隱
桂叢深處幸相將

歐陽憲使過訪時在山居奉謝

卧病年來與世忘
故人何事到江鄉
新從北闕承恩下
遙指西湖去興長
鄭子隱居隣谷口
石家別業在河陽
多慚門外堪羅雀
猶遣高車過草堂

冬日郊原作

竹下脩然自掩扉晚來西郭藹晴暉江邊歲晏逢花落
天外雲寒見鳥飛將欲乘春入山去何妨終日灌園歸
閒居莫怪無相訊漸覺人間知我稀

鄒憲使見訪奉贈蕙東故舊

靜數交游憐海內半傷搖落在江南一朝門巷煩迴轍
十載風塵媿盍簪岐路青陽驚客夢禁城芳樹與誰談
山公自昔能知我可信嵇生有不堪

送吳純叔北上

為先大夫
乞恩典

閶闔門前望淮水
漢京遙隔幾重雲
清尊斟酌人難別
白馬遲迴路忍分
秘器從來頒上相
敝帷何用乞明君
朝中故舊多相問
莫怪廬家獨未聞

送吳長洲調官陽穀

看君移舄魯門東
莫向南枝歎轉蓬
邑是桑麻舊時地
民多絃誦古人風
城連黃石尋祠外
家隔青山望越中
却憶河陽春色裏
桃花欲寄恨無窮

春日聞任黃守擢憲江州

年來芳草動離憂別去湘潭今幾秋已拜觀風辭郡邑
猶聞遮道借君侯城連滕閣朝雲黯門對章江春水流
總是公庭號煩劇也應廬嶽暫攀遊

冬日吳子新見過偶憶殊勝寺之別

逢君忽憶越江邊正我辭鄉入楚年野寺暮鐘留客棹
溪橋春酒醉離筵歸來南國仍飛迳悵望東林隔遠天
更欲相期訪幽社此生猶未謝塵緣

濟上謁周司空叨讌扶疎亭

漢室宣房久未安以公為楫濟無難門牆為許平原謁
尊酒翻承魯國歡見說揚州通禹貢憑將泗水作淇看
清風盡日芳林下不待霜飛亦自寒

出京

曉叩天關別禁墀秋深江路是歸期談經王式重來誤
薄宦潘生屢出宜漢室朱顏翻見嫉梁園白首未相知
此身去就何曾繫一似浮雲任所之

顧武祥免官寄東

聞子陳情聖主憐一朝報許遂言還
長卿謝病非因慢康樂懷歸不待年
松菊久荒彭澤里煙波重泛太湖船
慙余亦有東山興却戀南枝未忍宣

南旺道中逢張水部

薄遊自苦為形役却笑深秋在異鄉
使者星槎逢造次征夫岐路借輝光
相忘湖上同魚樂遙指雲中羨雁翔
莫道佳期容易過黃花留醉是重陽

江都代東寄親故

吳鄉遙接楚雲東
潮落寒江一水通
王粲經秋渡淮上
張融累月駐舟中
朝攀桂樹身將隱
夕眺蕪城思不窮
若問官家近時事
積薪惟說後來功

送郡守王君廷入覲

看君鳴佩遠朝天
聖主方思良二千
穀下重過避驄路
殿中猶記上書年
潁川治行偏能最
蜀郡才華不啻先
總是吳公知賈誼
勿須言向漢文前

早春東蔡法曹

逢時總是翻飛侶
失路俱為留滯人
白首何曾離畫省
素衣聊得謝緇塵
風光自向湖間轉
柳色先從郭外新
為語麟臺暫相賞
勿因愁思厭看春

盧龍觀和蔡法曹

芳辰締賞許心同
獨見玄暉擅藻雄
曾是江山開勝地
尚餘樓閣待春風
青谿水遠龍池匯
緱嶺雲來仙掌通
不信金門堪避世
花源何事帝城中

送大司寇顧華玉獻績北上

名疏玉宸已多年身歷南臺未是遷約法獨持三尺重
生民奚止數千金袖中啟事人稀見囊裏刑書手自編
聖主久懷求舊意滿朝誰在絳侯先

靈谷寺

寶公舊日安禪處雙樹依然初地開歲久丹青凋畫壁
春深花雨落經臺招提境接橋山外功德池分灞水來
聞說此中容吏隱濫巾時向草堂回

同省中諸僚餞別勞憲使於徐氏西園

王家池館甲長安
許客相過更不難
花下候人思負弩
林間飛鳥避彈冠
綺筵却遣離觴入
金谷翻將歧路看
他日攜羣能再至
坐無車屑未成歡

春暮柬包孝侍御

一春離索意何如
獨坐懷君花鳥餘
都下相逢驄馬後
雲間爭識士龍初
閒居數月能題賦
守藏千言解著書
總是漢家無事日
封章時見奏公車

薛吏部見過

同時分省漢西京得暇相過蓋屢傾戶外不知芳草歇
林間已是夏蟲鳴為耽玄理輕辭賦因卧滄江減吏情
坐接高談心自醉從君將欲棄平生

南省齋居

漢家祀典盛如今幾處郊宮駐輦深燕月懸知臨太乙
淮流爭得向汾陰齋居宛記分蘭省禁衛仍聞集羽林
靜數從臣枚朔輩同時零落忽傷心

過馬光祿舊寓

一區西接禁城垣大隱曾於此避喧過客尚思文舉座
居人猶說李膺門清泉自遶花間去幽鳥如窺戶裏言
家本秦川遙不見重來翻謂是迷源

歸自牛首同諸君攜酒訪徐公子

青山別後每思君獨卧朱堂絕世氛共載酒看逢好事
淹留車馬為論文曲池新水鳴殘雨隔院芳陰入暮雲
公子從來能愛客無言不醉遂離羣

答蔡子木初秋約遊之作

官閒似與病相宜
朝謁俱無起獨遲
禁苑蟬聲移物候
空山木葉報君知
薄遊丘壑何嘗廢
雅興琴書每自隨
聞說潘生歸騎省
却因詞賦動秋思

七月六日訪蔡比部作

中郎身寄白雲司
戶近青山秋早知
樹下聞琴蟬噪後
花間倒屣客來時
迢迢榆漢雙星待
冉冉蘿陰滿徑垂
行樂漸宜清夜永
從君秉燭向南皮

王地曹初至同蔡比部攜酒訪於徐氏園居

洛陽年少似君稀誰道多才與世違得罪一從燕市別
銜恩重向越鄉歸無言契闊惟傾酒到處風塵任滿衣
為視園林今夜鵲遶枝猶自共南飛

同王子集蔡子館

相逢西府訝初筵為語當時一惘然戶下鳴蜩頻帶雨
湖邊落木似催年人傳台嶽題詩後客向長沙奉召還
機事對君渾遣盡莫嫌爭席主人前

同省中諸僚遊徐公子鳳臺園

名園似與辟疆同，載酒時堪集上公。
戶裏羣山能自入，林間三逕若為通。
穿池半引長淮水，種樹多移禁苑叢。
不是策勲麟閣後，誰應開第鳳臺中。

送朱參軍入賀千秋令節

東朝初進九齡籌，南國懽逢拜舞秋。
數報寢門迴鶴駕，新從馳道出龍樓。
世家共羨常賢後，記室爭推阮瑀流。
君去分明窺盛典，還將禮樂頌成周。

送太學王生還齊安

從知楚國多材地
況復常家奕葉人
博士見時推講席
中郎迎後動儒紳
霜前雁起搖歸思
月下猿啼愴別神
若問長沙舊還客
賈生今日尚沈淪

贈太司馬張公邦奇

清朝供奉早知名
黃石傳書解論兵
每奏軍機憂北闕
時揮麗藻動西京
營中校士輕裘坐
門下憐才倒屣迎
文武古來誰得似
留侯麟閣羨功成

奉贈張補之學士同蔡比部作

生逢明主幸同時侍從常看列禁墀
賜出秘書延閣校
奏來辭賦掖庭知
西京舊史聊相訪
南國人倫正在茲
更道張華能愛士
席間荀陸最承私

寄唐應德編修

避世曾看隱石渠
幽情終自反班廬
門前愛樹因栽柳
郭外疏泉學養魚
談笑每從林叟晤
浮沈翻混野人居
年來尺素長相憶
莫作嵇康不寄書

寄許夔州

城開白帝錦江連見說仙郎出守年
虎患已從鄰境去猿聲偏近郡齋前
相如文藻流巴蜀黃霸功名在潁川
應是漢庭求吏治非關相府賤英賢

寄王地曹湖上

禁湖秋盡渺芙蓉憶爾幽居定幾重
掌賦久應知戶口披圖一為辨提封
雲深自指橋陵樹水靜如聞閭道鐘
信是仙源人不到惟餘明月得相從

寄孔督學

憲府新開越水東
瀛洲似與海門通
談經直采先秦上
文學多陪後乘中
一自西京辭宿衛
遂令南國奉餘風
幾人修刺懷衣袖
猶恨無從謁孔融

得稽勲報

漢廷不調已多年
中歲何期得再遷
薄祿祇緣資仕累
非才幸取聖明憐
回看舊省真如傳
乍拜新銜豈是仙
裴楷清通方自媿
逢人莫訝玉山前

募兵作

漢家西域有烽煙列郡徵兵詔護邊吳楚輕剽亡命起
幽并遊俠感恩先身從都尉新承鉞名係良家盡控絃
為語鳳樓休借問功成龍塞遂言還

江山觀發兵用韻

江門選士擁旌旄臨發猶聞贈寶刀脫挽新承戲下命
吹簫曾授匣中韜月明隴水鄉堪遠雪度陰山路豈勞
鐵騎經年隨首肯金盤何日薦葡萄

靈應觀

長安西指望仙宮蜚觀崇臺杳自通
候氣還如逢柱史采芝一為訪園公
澄潭盡是桃花路幽徑俱成桂樹叢
欲棄人間渾未得年年辟穀漢庭中

得子約弟過海印廢寺之作因寄

先朝敕寺總知名初地曾逢御輦行
寶閣近隨荒草沒金河翻共曲池平
鳥來尚識聽經處馬過空聞遶塔鳴
獨往題詩憐小謝了看塵劫得無生

簡王戶曹

少年君是馬遷才何事周南未遣回
夜直每看趨騎省
春心幾許寄麟臺
官閒不羨綸能算
性懶翻嫌篆屢開
莫道舊宮風物異
年年柳色過牆來

戶曹席上贈王進士宗沐

少年獻策承明後
遂見乘輅出漢關
司馬新為巴蜀使
買臣初向會稽還
江邊路轉通吳苑
天外霞標指越山
不是絳紗門下客
何由瓊樹一相攀

春日偶成

春光強半去清明著處逢花併鳥聲
鮑照避人多累句
李聃貴我謝浮名何須食祿過千石
便可持盃了一生
長日省回無俗事城南惟是訪僧行

次韻奉贈父友羅公八十自壽

年同渭叟罕能躋況復功成謝釣溪
典郡昔聞人盡慕
歸田早與世相睽輿間載酒稱元亮
座上談詩數稚圭
老眼平生書癖在尚堪散帙對燃藜

贈華子潛學士

暫辭供奉在西京南國聊兼吏隱名
信美江山多勝事更餘花鳥寄春情
校書芸閣編應就給札蘭臺賦已成
聞道青宮開講幄早陳車馬待桓卿

欽定四庫全書

皇甫司勳集卷二十七

明 皇甫汈 撰

七言律詩

予被論屏居侯子舜昭撰懷慰賦見寄奉答

世路風波不可間
還山直欲避人羣
素書遠謝雙魚贈
藻賦新傳九辯文
響振蕭齋聊擲地
思飛台岳會凌雲
明珠寄語須珍重
按劍相投恐未分

念別再賦

征車欲戒且停鞍把酒今翻別更難
雙鬢豈堪承再竄一麾猶自戀微官
江楓落後淮城暮沙雁飛時楚塞寒
遙憶吳門何處是定因白馬向南看

燈譙聞雨因懷子安同子浚子約作

金樽高譙競芳辰玉律韶年應早春
火樹不須重待月雨聲翻似為留人
看來白髮皆非故按出清歌總是新
花萼滿堂饒勝事一枝先露獨傷神

周以言黃聖長過余問疾

一丘棲病每經旬
二仲相過惜暮春
羅雀不知東郭騎
逢人初著北山巾
枝生肘上看非累
花落藩間悟是因
且覆清尊判盡醉
何曾靈藥駐芳辰

吳子仁舟泛遣興

湖上扁舟興不違
春深何惜醉芳菲
寒生細雨花間濕
節近輕烟柳畔稀
散騎十年空未調
羣鷗一夕已忘飛
溪邊漁父休相問
楚客歸來欲製衣

周以言黃聖長過我先人城南故居賦詩見示悵
然答此

疏公別業倚荒城三逕蕭條蔓草生
薛邑臺池今日淚
平泉花石舊時盟
齋中歲序看駒隙
門外春風換鳥聲
不是求羊同過客
題詩那得更傷情

春暮索居

棲息無能出世塵
青山何處可藏身
還期向子招禽慶
為報支公待許詢
靜對鶯花思舊事
忽驚風雨送殘春

朝來開戶多相戲，猶自含毫擬答賓。

從子約弟借河上公道德經注披味

柱下金經秘五千，瑤函一謝棣華傳。言從關令初成帙，
道自河公久棄筌。誦後香烟移座右，望中靈氣靄簷前。
亦知無欲能觀妙，舌強何曾解悟玄。

文太史遊義興歸贈

早厭承明出漢京，却耽山水寄高情。藍輿行處門人從，
竹徑穿來郡守驚。春盡玉潭乘雨泛，日長丹洞眺雲生。

閑逢道士書經罷何似籠鵝別會城

追昔家居兄弟多燕會觴歌之樂特盛者如眺飛
素於寒朝玩流光於清夜雪月二編華粲競美矣
比承慈戚兼值仲徂無復懼悰聊申慨咏時丁未

秋日

細雨吹寒入草堂蕭蕭落葉間鳴蜩遊情病後知因減
嘉會年來信不常東郭雪殘惟有卧西園月在總堪傷
爭酬麗藻誰能賦空使詞林泣謝莊

上夏左相

昔參多士謁平津東閣開時奉後塵門下憐才曾倒屣
車中容醉偶汗茵謝公久係蒼生望裴相猶懷綠野春
聞道金城圖未上且須持議在和親

麗春宮人詞次韻

漢宮初進美人歌一日春暉到綺羅漫向玉階啼粉淚
試開金篋理粧螺從登豹輦銜恩甚特賜箋箋命藻多
總是相如能獻賦文園歸後奈君何

又麗春宮人詞

掖庭諸伴盡承私猶是長門奉帚時
夜月羅幃空自照春風玉輦不教隨
畫圖舊掩明君貌團扇新傳班女詞
爭得蛾眉無解妬一開金屋寵全移

別慶上人

仗劍噫歌出帝京楚江東去是吾城
僧中淨理諳應久物外浮名本自輕
阮籍易傾窮處淚惠休難遣別時情
殷勤記取臨溪意正及長干芳草生

戊申除夕

帝京明旦憶朝天
客舍曾開守歲筵
一謝鴛鴦非道路
空將犬馬媿韶年
鐘聲逼曙傳花外
燈影分宵落酒前
擬向東皋理春事
張平今已賦歸田

子約弟校書東閣

君從都水入讐書
何似更生在石渠
筆札尚方初賜後
綈紉中秘總頒餘
高才自合隨金馬
博物還應辯魯魚
長日遲回勞汗簡
芸香攜得滿簪裾

劉向以都水使者校書石渠閣

郡守金城見訪時方治水

自憐漢省為郎久一謝雲霄託薜蘿散帙林中惟有卧
高軒門外枉相過西臺攬轡清風在南郡承麾惠政多
早晚白公隄已就佇聽民唱兩岐歌

韓司徒贈詩過獎鄙集次韻奉謝

萬事無心付寂觀一燈遙夜坐忘寒調卑豈合陽春和
形穢空將玉樹看木落冶城迴客夢鐘鳴香積倚僧餐

因公欲訪君平卜可是人間蜀道難

夏至日對雨簡子約弟

麥風吹雨夜蕭騷詩興朝來似省曹
占日正逢南陸候朝天應想北宸勞
祠臨泰畤陳琮璧路出汾陰駐羽旄
莫以淹留虛從事後車題賦待枚皋

茅山道中寄徐公子聞其抱病

林開白石隱仙房路指青門接帝鄉
六代總為分鼎地十年空作尚書郎
源迷桃李聊相訪會憶蘭亭耿不忘

聞道徵君初養疾將從海客寄丹方

寄王維禎戶曹

扶病尋真宿羽壇塵蹤那識是秦官
山中瑤草傳情易天上瓊枝會面難
華省久淹猶執戟明時須愛但加餐
應徐零落元瑜逝莫以風流憶建安

謂亡兄及蔡子輩

江上寄程祭酒

絳帷何處馬融庭建業城西淮柳青
名重兩都看作賦

教分六館羨談經漫因玉樹思今雨共說金門隱歲星
為問芙蓉池上客可知江畔有飄萍

報恩寺浮圖

明光九級盡瑠璃為答玄功詎惜資地是赤烏開教後
基同白馬賜名時驚峯直與諸天接鳳闕翻從下界窺
登罷欲書多寶事奈言江總善題碑

金陵懷舊

平生蹤跡半京畿別去秦淮歲屢違道上投珠多按劍

市中擊筑幾沾衣寺尋白社僧猶在宅訪青溪客已非
莫學隴西逢醉尉夜深愁向灞亭歸

天界寺訪半峰上人聞已入楚

松關靜閉座凝塵童子花間笑候賓掛却袈裟看有相
持來如意贈無因昭丘直指彌天路湘水遙通慧海津
衡岳若逢飛錫後不知留偈與何人

普德寺

古寺城南訪六朝高臺一望幾蕭條門前黃葉催年暮

林外青山覺路遙塔影常圓沙苑月鐘聲靜帶楚江潮
老僧宴坐耽禪定送客何曾過虎橋

溧陽旅興

小邑寒深歲復催此身如寄未能回
主家負郭塵喧遠客坐看山爽氣來
瀨水舊為亡楚地吳雲今是望鄉臺
欲知暮髮俱凋盡為說朝心總不開

題史考功池亭

地即謝公堰

名園十畝與城鄰日夕風烟逐眺新山擁翠屏開作畫

水從金谷瀉成春憑軒不斷啼花鳥閉戶應逢看竹人
見說玄暉池尚在知君前是謝家身

先春一日金壇道中

窮途明日已逢春殘夜題書報密親吹笛曾為行市客
解衣聊作刺船人蒼蒼樹色雲連郭寂寂江聲月滿津
不是才華應取忌肯令王粲在風塵

歲暮客居獻王水部

少年未與俗相親慷慨猶為國士身阮籍能留青眼盼

鄒生長歎白頭新客中歲序空催鬢天上陽和易作春
一自誤遭懷璧罪逢君應是泣珠人

早春寄子約弟

舊京東望已春歸禁苑城邊鵲暉暉名在郎曹皆是累
酒酣身世兩相違還邛有賦推司馬入洛無心媿陸機
淮柳青時江水濶知君將欲理朝衣

送王戶曹擢九江守

甘泉獻賦早知名才子為郎在兩京闕下承符初出守

郡中森戟已相迎
空庭廬嶽晴雲色
燕坐潯陽江水聲
試覓古來循吏傳
幾人年少寄專城

贈盛秀才

避喧因就辟支禪
江左玄風屬少年
數借慈燈揮藻賦
更從積雪照韋編
潮生靜夜灘聲轉
月上空林塔影懸
媿我閒來尋白社
逢君却在虎溪邊

赴丹陽廣福寺與弟言別

寺在練湖傳為日光佛
靈異而建上有陸羽第

十一茶泉
名玉乳云

古寺碑題西晉年澄湖如練倚窻前寒雲自覆金光殿
荒草猶埋玉乳泉楓葉染霜秋後色雨花和梵夜中禪
亦知閩水同觀世不奈潮聲送客船

寄贈吳純叔藩使督祀太和

玄宮勝地迴塵寰先帝崇祠勅楚山仙吏拜從香案後
衙齋寄在玉清間瑤篇久秘逢誰識桂樹叢生好自攀
更道襄陽風日近乘閒一醉習池還

將之南都別親舊因寄寺僧

秣陵城外長干寺潮落滄江一水涯客路欲隨南國雁
離筵先就故山花因辭官轍慵奔走數過空門感歲華
朝省莫容鄉曲賤此身端合住僧家

送伯氏赴試北上

騷衷長嘶趁北風黃金臺在古燕中池塘草色春前思
禁苑花枝醉裏叢馬援才成時未晚公孫策就路應通
送君自愧冥飛雁却笑當年誤入籠

贈萬開府

看君被服似儒生不獨能文慣論兵三十擁麾當外閫
一朝開府在西京雅歌樹下留賓醉清嘯樓中料敵平
更道深山尋羽士功成應有赤松情

贈宗二伯昭

早聞名姓著江東却恨相逢白首中樓護不妨游五貴
阮瞻曾亦辟三公代人屬草辭偏慣分吏占書意盡通
春水片帆心萬里看君猶欲破長風

簡陸儀部

自甘寂寞解朝裾何似承明厭直廬謝病早歸年不待
避喧真與世常疎筆留藩溷因題賦墨變池塘為學書
參佐解西芳草遍時聞人訪士衡居

新昌呂生見訪

呂安命駕輕千里來訪吳門何所聞揮翰久應稱內史
請纓猶自慕終軍朝探禹穴因懷古夕泛娥江解辯文
衰病無能空倒屣欲將書籍盡投君

夏日過文太史問疾

長日因居訪碧山清風如造竹林間門前不斷軒車駐
庭下新滋帶草間著作久探金匱秘陸沈曾是玉堂還
從來妙說能除疾可引枚乘一解顏

寄談尹

看君白晢美脩髯早歲明經起孝廉卜築近郊同沈約
上書辭邑似陶潛梁溪夜靜惟高枕惠嶺朝來正在檐
幾欲懷人招隱去尚慙為吏未能兼

皇甫司勳集卷二十七

欽定四庫全書

皇甫司勳集卷二十八

明 皇甫汈 撰

七言律詩

子約方有南役而余亦將北上作

自憐出處何嘗定為戀明時更起家路指兩鄉紆官轍
江分八月引仙槎峯回雁信傳來易歲晚蘭芳欲寄賒
到憶燕昭臺上望楚天西盡是章華

答子浚兄

客心半在去留間，忽漫稱詩慘別顏。
淮海風生花落後，瀟湘秋冷雁飛還。
貧因減產耽微祿，晚更趨朝愧末班。
為語白雲開逕處，此行那得負何山。

聞警

軍書插羽達齋宮，聖主停祠賦小戎。
燕地笳喧榆塞上，漢家月照柳營中。
師從節制猷偏壯，將熟韜鈴氣自雄。
慷慨即思投筆去，一朝開域佇銘功。

淮上謁何中丞

看公清嘯坐高樓
淮海風來滿院秋
地是桂叢淹客處
山非桐栢訪仙游
軍輸歲入多稱便
國計年來待運籌
總說西陲方有事
君王南顧已無憂

早春下邳遇譚兵使夜讌驛樓作

君從西楚新開府
日對龍山坐擁麾
臺下曾過戲馬路
橋邊一遇訪書時
樓含柳色窺春早
盤剩椒花卜夜遲
聞道漢朝今好武
揚雄行欲謝文辭

濟上訪汪中丞同年

看花同在曲江傍，一散天涯二十霜。
禹貢導河由泗水，漢家歌醵以宣房。
才堪作楫川能濟，髮媿成絲路轉長。
日暮樓前思貰酒，得逢任令更清狂。

淮北寄故園兄楚邦弟

晚從吏役自堪嗤，況是人情重別離。
冰雪寒深南盡地，江山風似舊遊時。
花知吳苑春回早，雁憶衡陽信到遲。
為說朝中方貴少，白頭郎署不相宜。

客京解嘲

承恩二十已餘年，薄命那知屢播遷。
曾向郡齋吟處眺，亦從鄰客醉中眠。
書藏名嶽翻嬰網，賦就長門未賣錢。
裘馬五陵同伴少，白頭猶草子雲玄。

送吳子充遊北嶽兼赴塞上謁蘇司馬

玄宮高建曲陽隈，登嶽長謠亦壯哉。
更為邊關增感激，不因婚嫁重遲迴。
軍中魯仲飛書去，馬上陳琳草檄來。
談笑功名須自致，許公幕下最憐才。

東白貞夫

十年蹤跡飄蓬二陸聲名半已空

子安追憶

洛下曾收才

子疏江州猶繼古人風鬢毛盡變兵戈後心事都銷杯

酒中喜見謝家丹鳳羽承恩同在省曹東

子啟京登進士

寄許東侯中丞防禦昌平

東山歸卧久辭喧北闕重來慰至尊分閫正當三輔地
侍祠多在茂陵園黃金盡散因收士白馬長驅為報恩
舊日忘年文酒客帝鄉猶阻孔融門

獻座主太宰李時言

山公今受聖明知典選勤勞退食遲闕下每聞傳啟事
車前聊得奉光儀慙持手版迎州使懶束腰章拜里兒
為問門牆春色道幾多桃李沐榮枝

謝嚴相公分惠大官攢品

幸逢開閣謁平津忽拜堯餐及阮貧漢主每聞推食暇姬
公仍見吐哺頻函題黃紙頒從禁饌出朱盤訝是珍
慚謝分甘無以報祇知飽德荷陶鈞

上李亞相汝立

玉署仙班第一流，甘泉終日奉宸遊。
填門賓御同元禮，滿架圖書似鄴侯。
春色散朝揮麗藻，夜深當宇待嘉猷。
車茵坐擁沙堤上，爭羨台臣正黑頭。

送張尚寶謫淮南轉運

繁華自昔數揚州，君去無嗟奪鳳遊。
試訪名花弔隋苑，好攀叢桂對淮流。
河橋月上開官舍，海縣潮迴放客舟。
年少辟疆猶作吏，功成誰復念留侯。

送陳兵曹謫官興化

舊為中舍

佐邑官閒莫厭卑
昭陽山下正花時
愁中襖被辭蘭省
夢裏揮毫憶鳳池
淮海潮聲流別恨
都門柳色贈離枝
漢庭才子多承譴
立馬須瞻董相祠

闕下送王水部時獻軍器閒留省免官

君除戎器謂彤墀
檢閱忘勞匠氏推
南國鑒人非有道
西京憐士媿無知
傷心白壁那應棄
揮手青門從此辭
雁宕山前逢故老
少談邊事更憂時

送尹兵曹擢河間守

聞君初解尚書郎出守雄邦邇帝鄉
命下不殊馮翊詔腰間爭似會稽章
食前借筯籌多中地上成圖料已長
莫道宛王將獻馬防秋日夜念遙疆

程孫二禮侍見訪

上公聯珮出西清訪客城東為掃荆
問樹不言溫室秘看花猶記曲江情
同承睿藻賡歌就共草祠儀典禮成
早晚黃麻聞拜相由來房杜得齊名

白符卿免官

文章憎命不堪論留滯官階二十春
病裏金丹思服食晚來銀艾笑垂身
明珠道上誰知已紅粉宮中慣妒人
歸去名園多勝事投書一為謝平津

送司寇顧公應祥調南省

尚書門接古崇岡信是人間吏隱鄉
檻外鍾山瞻王氣鏡中湖水閱年芳
兩都去就原無係三尺平反總舊章
聞道民窮輕犯法願教刑措佐時康

送郭侍御謫令閩中

閩中為令似非輕猶勝長沙逐賈生
花縣暫看飛鳥去
栢臺爭憶避驄行
山當劍浦雲常暖
溪帶樵川水最清
他日臨軒訪民瘼
封章留得直臣名

應謝二兵曹見訪不值

城東聊寄逐臣居
何事頻迴長者車
南郡才華推謝眺
西園辭賦重應璩
朝聞散佩鑪香裏
時共談兵樽俎餘
却怪披帷人不見
壁間鳳字謾留書

送王令重補武康

先宰仁
和著稱

王喬仙令謁明光再見飛鳧指越鄉
莫謂勞人憎案牘
須知飾吏在文章
綬迎天目晴雲入
琴拂英溪流水長
借問政聲誰得似
試看懷縣與河陽

發京貽諸同好

朝攀瓊樹思依依
身似先秋一燕歸
失路豈能連羽翼
停雲惟有戀音徽
亦知手版迎人懶
無奈心旌去國飛
聞說漆園茲地近
將從傲吏息塵機

贈譙司法

才華蜀郡古來聞
況是譙周更不羣
早歲揮毫驚白雪
明時射策致青雲
衙開恒嶽鵬宵迴
家憶巴江雁字分
共道持平能讞獄
坐令三輔號神君

得李伯華書期余往晤感今追昔詩答之

逢時四海羨彈冠
每過龍門卜夜闌
忽漫東歸依泰岱
幾憑西笑當長安
瓊枝願見何由得
尺素傳來亦自難
更道輞川多勝蹟
相邀裴迪共揮翰

訪同年李伯華於章丘

拂衣歸卧一丘安
命駕何辭千里難
書插高樓蟲蠹盡
棊拋別墅鳥汙殘
雄心每向詞中發
變態都將戲裏看
自媿交知成白首
猶持長劍倚人彈

新撰寶劍傳奇

訪谷繼宗識自丹陽令

疋馬茸裘下北平
亂山殘雪賦東征
清時解綬聞陶令
白首談經數伏生
載酒花間逢好事
結廬泉上不為名
練湖舊遠丹陽郭
猶記鳴琴在水聲

趙景仁讌贈

童時名已動儒紳曾是南宮第一人痛哭上書思悟漢
從容辭秩遂歸秦東朝再起銜佳命北閭重分禦敵塵
雪後擁裘無所事祇將壺矢漫留賓

寄蔡衡州

一官報爾今河朔千里懷人楚水長花發幾迴思建業
雁飛何處是衡陽訟庭不廢京華牘燕寢其如留省香
日日江頭聞送客空於詩卷恨錢郎

唐人贈送卷內以
不得錢起郎士元

詩為憾予昔與子木
在南省時頗類此

子約弟使楚被譴會於澶淵

春風河上駐征驂
河柳初迴淑氣含
得罪十年辭漢省
采芳何日下湘潭
情憐棹舫來相倚
跡似浮雲去不堪
君到梁園好題賦
莫將留滯嘆周南

始登南明山

名山終日俯南郊
出郭纔聞十里遙
直向千峰探化閭
暫依雙樹息塵鑣
梁橫斷壑雲常覆
磴落疎泉雪未消

莫訝使君非好靜桓伊今受遠公招

武林追憶子安

曾見褰帷向越城非關為吏厭承明身隨零露朝先盡
恨落江湖夜未平芳草不傳池上夢薇花猶繫省中情
湖心諸寺聞題遍留取山僧護姓名

椒山訪葉令

羨君辭邑賦歸田信有椒園在輞川松下持經閒相鶴
花間洗藥候鳴泉支離自愧猶耽祿邂逅何期一問玄

更道聖朝容傲吏，賜骸聊得樂餘年。

送金比部謫官北上

莫因得罪歎明時，君去應逢聖主知。
坐對越山傾別酒，行攀淮樹寄離思。
省中執法憑三尺，闕下銜恩戀一麾。
予亦周南留滯者，春城揮手各淒其。

答王維楨

同是西京作賦羣，省中年少特推君。
早承恩寵遭時妬，悞落風波幾處分。
白首相知那可說，紅顏薄命古來聞。

越禽更接卑棲羽猶恨南枝隔暮雲

懷龔溫州

江縣逢君春草生禪林趺坐正啼鶯離尊秉燭流連醉
歸棹乘潮信宿輕閣內嘯聞劉越石郡中吟憶謝宣城
相思忽漫秋風起南雁來時一寄情

浙聞中秋呈諸同事

鎖院深沈秋氣中德星今夜聚羣公清憐月色能留鑒
香沁花枝欲待風靜覺濤生枚發就回驚年少獵心雄

亦知龍領先探取不遣驪珠落海東

聞警

漢將防秋力已殫年年遣戍出長安
賓鴻聲斷傳書少鐵騎蹄穿踐雪寒
止見亞夫屯細柳不聞介子斬樓蘭
欲知塞外思鄉淚為賦軍中行路難

雁宕

千山行入雁山中猶道仙源路未通
鐘落風濤知近海衣生雲霧若凌空
奇峰指點憑僧話幽壑攀躋只鳥同

別向龍湫訪飛瀑一林晴雨石梁東

同周將軍入龍湫訪白雲與雲外二高僧不可得
雲林路斷信溪聲天柱峯前落照明刁斗響山泉盡沸
旌旗渡谷鳥還驚却憐細柳營中騎亦向蓮花社裏行
無著天親那可見獨令摩詰坐含情

發平陽王子追送飛雲渡感泣而別因寄

相逢忽漫路岐臨相送停舟酒重斟目引海雲飛處盡
心隨潮水渡時深芳洲總惜人遲暮花縣那堪歲載陰

李白從來稀下淚問君何事獨沾襟

老婦詞

香銷閨閣夜深沈自恨無媒歲轉侵女伴嫁衣頻與做
隣家花燭幾迴禁羞將玉鏡論前事留取水壺照此心
自分紅顏非舊日承恩聊贈白頭吟

送沈禹文還朝

時余將
赴南都

故鄉亂後惜離羣倚棹江邊一送君咫尺龍顏行自愛
迢遙雁信數相聞薇花漫對滇南日瓊樹長懷冀北雲

海內兵戈須草檄定知開府待參君


答吳純叔夏日即事

江城五月颯如秋帶雨潮聲咽更流塵滿空梁聞燕語
烟銷殘樹見花愁登樓自可悲雙鬢臨俎誰將獻一籌
却憶題詩李嘉祐獨緣烽火歎長洲

三塔寺

唐朝勅寺蒼山裏石壁晴嵐護法輪樹冷陰崖常帶雪
花深幽徑不凋春燈聯寶塔傳三昧香拂鉢衣斷六塵

聞道陵陽多桂樹相思何日得相攀



皇甫司勳集卷二十八

西竺本來開教地
葉榆流處是洹津

太華寺詠落花

綴幌霑筵各有因
長安萬樹總辭春
粧帶雨猶含泣
薄質隨風易損神
信斷御溝爭似葉
香消清路不如塵
朝逢鹿女銜將獻
證却從前色誤身

得報寄王維禎

君從闕下解龜還
余亦長辭金馬關
散職已除朝籍裏
虛名猶註黨人間
才疎晞世應成拙
年少懷居未是閒